

თელავის მუნიციპალიტეტის საკრებულოს

საფინანსო-საბიუჯეტო კომისიის სხდომის

ოქმონ 11

ქ. თელავი

21.12.2023 წელი

თავმჯდომარეობდა: ზურაბ ლილუაშვილი

ესწრებოდნენ კომისიის წევრები: უჩა ჭოტიაშვილი; თამარ ხატიაშვილი; ოთარი ესიტაშვილი; გიორგი ხაჭაბურიძე; გიორგი ქართლელიშვილი; გიგი გიგიტელაშვილი; რუსუდან იმერლიშვილი; იმედა კველიშვილი.

სხდომას აგრეთვე ესწრებოდნენ: დეპუტატები - მიხეილ დაღუნდარიძე; დავით დაღანიძე; ლევან კოჭლოშვილი. თელავის მუნიციპალიტეტის საკრებულოს აპარატის უფროსი - ტარიელ გალახვარიძე; თელავის მუნიციპალიტეტის საკრებულოს საფინანსო-საბიუჯეტო კომისიაში მოწვეული სპეციალისტი - ლია ფარსადანიშვილი; საკრებულოს საზოგადოებასთან ურთიერთობისა და პიარის სპეციალისტი - ნიკოლოზ ესიტაშვილი; თელავის მუნიციპალიტეტის მერიის საფინანსო-საბიუჯეტო სამსახურის უფროსი - ნათია ვაყელიშვილი.

თავმჯდომარემ კომისიის სხდომაზე დამსწრე საზოგადოებას წარუდგინა დღის წესრიგი

დღის წესრიგი:

1. თელავის მუნიციპალიტეტის 2024 წლის ბიუჯეტის დამტკიცების შესახებ პროექტის განხილვის თაობაზე.

მომხსენებელი - ზ. ლილუაშვილი
თანამომხსენებელი - ნ. ვაყელიშვილი

2. თელავის მუნიციპალიტეტის საკრებულოს 2023 წლის 25 იანვრის №03 დადგენილებაში „თელავის მუნიციპალიტეტის მერიის საშტატო ნუსხისა და თანამდებობრივი სარგოების დამტკიცების შესახებ“ ცვლილების შეტანის თაობაზე.

მომხსენებელი - ზ. ლილუაშვილი

3. თელავის მუნიციპალიტეტის საკრებულოს 2023 წლის 25 იანვრის N04 დადგენილებაში „თელავის მუნიციპალიტეტის საკრებულოს თანამდებობის პირთა თანამდებობრივი სარგოების და აპარატის პროფესიულ საჯარო მოხელეთა საშტატო ნუსხისა და თანამდებობრივი სარგოების დამტკიცების შესახებ“ ცვლილების შეტანის თაობაზე.

მომხსენებელი - ზ. ლილუაშვილი

4. თელავის მუნიციპალიტეტის საკრებულოს 2022 წლის 18 იანვრის N02 დადგენილებაში „თელავის მუნიციპალიტეტის საკრებულოს წევრების (გარდა თანამდებობის პირებისა) უფლებამოსილების განხორციელებასთან დაკავშირებული ხარჯების ანაზღაურების წესის დამტკიცების შესახებ“ ცვლილების შეტანის თაობაზე.

მომხსენებელი - ზ. ლილუაშვილი

მოისმინეს: 1. თელავის მუნიციპალიტეტის 2024 წლის ბიუჯეტის დამტკიცების შესახებ პროექტის განხილვის თაობაზე.

აზრი გამოთქვას: ზ. ლილუაშვილმა ისაუბრა „თელავის მუნიციპალიტეტის 2024 წლის ბიუჯეტის პროექტის“ შესწორებულ ვარიანტთან დაკავშირებით, აღნიშნა, რომ ყველა საკითხი გავლილია დეტალურად მერიის შესაბამის სამსახურებთან ერთად და მუნიციპალიტეტის საკრებულოს კომისიების და ფრაქციების მიერ, თელავის მუნიციპალიტეტის 2024 წლის ბიუჯეტის პროექტის განხილვისას გამოთქმული შენიშვნების უმრავლესობა, გათვალისწინებულია.

კომისიის წევრებმა და დამსწრე დეპუტატებმა გარკვეული განმარტებები მოსთხოვეს თელავის მუნიციპალიტეტის მერიის საფინანსო-საბიუჯეტო სამსახურის უფროსს - ნ. ვაყელიშვილს.

მან აღნიშნა, რომ წარმოდგენილი პროექტის მიხედვით თელავის მუნიციპალიტეტის 2024 წლის ბიუჯეტი განისაზღვრება 39923.30 ათასი ლარით. პროექტის მიხედვით, ცვლილება განიცადა ხარჯვის ნაწილმა, რადგან რეგ. ფონდებიდან დაფინანსების ლიმიტი გაიზარდა და 33470,30 ათასი ლარი შეადგინა. აღნიშნულიდან გამომდინარე ინფრასტრუქტურულ პროექტებში ცვლილება მოხდა. ასევე „გენდერული თანასწორობის ხელშეწყობის“ პროგრამის დაფინანსება გაიზარდა 5,0 ათასი ლარით. შემდეგ კი საუბარი გაიმართა კითხვა-პასუხის რეჟიმში.

კომისიის თავმჯდომარემ ზ. ლილუაშვილმა კენჭი უყარა წარმოდგენილ პროექტს, რაზეც კომისიაზე დამსწრე უმრავლესობის წევრებმა სრულად დაუჭირეს მხარი. კენჭისყრაში მონაწილეობა არ მიიღეს - იმედა კველიშვილმა, გიგი გიგიტელაშვილმა და რუსუდან იმერლიშვილმა. ამასთან გ. გიგიტელაშვილმა და რ. იმერლიშვილმა დატოვეს კომისიის სხდომა,

გადაწყვიტეს: კომისიას მიზანშეწონილად მიაჩნია „თელავის მუნიციპალიტეტის 2024 წლის ბიუჯეტის პროექტის“ შესწორებული ვარიანტი წარედგინოს საკრებულოს ბიუროს სხდომა.

მოისმინეს: 2. თელავის მუნიციპალიტეტის საკრებულოს 2023 წლის 25 იანვრის N03 დადგენილებაში „თელავის მუნიციპალიტეტის მერიის საშტატო ნუსხისა და თანამდებობრივი სარგოების დამტკიცების შესახებ“ ცვლილების შეტანის თაობაზე

აზრი გამოთქვას: კომისიის თავმჯდომარემ აღნიშნა, რომ თელავის მუნიციპალიტეტის მერიის მიერ ინიცირებული პროექტი ეხება თელავის მუნიციპალიტეტის საკრებულოს 2023 წლის 25 იანვრის N03 დადგენილებაში „თელავის მუნიციპალიტეტის მერიის საშტატო ნუსხისა და თანამდებობრივი სარგოების დამტკიცების შესახებ“ ცვლილების შეტანის საკითხს. დადგენილებაში ცვლილების შეტანა გამოწვეულია შემდეგი

გარემოებით: 2023 წლის 21 სექტემბერს მიღებული იქნა საქართველოს კანონი „თავდაცვის კოდექსი“, რომლის 180-ე მუხლის თანახმად, 2024 წლის 01 იანვრამდე ამ კანონითა და შესაბამისი სამართლებრივი აქტებით განსაზღვრულ უფლებამოსილებებს, რომლებიც უკავშირდება სამხედრო აღრიცხვასა და მასთან დაკავშირებულ ღონისძიებებს, წვევამდელთა ეროვნულ სამხედრო სამსახურს (გაწვევის ორგანიზებას, გამოძახებას, გაწვევას, გაწვევისგან გათავისუფლებას ან გაწვევის გადავადებას), სამობილიზაციო სარეზერვო სამხედრო სამსახურს (ჩარიცხვას, გამოძახებას, გაწვევას, გაწვევისგან გათავისუფლებას ან გაწვევის გადავადებას), ახორციელებს მუნიციპალიტეტის მერია შესაბამისი სტრუქტურული ერთეულის მეშვეობით. დელეგირებული უფლებამოსილების განსახორციელებლად მუნიციპალიტეტის მერიაში შექმნილია სამხედრო აღრიცხვისა და გაწვევის სამსახური, რომელიც შედგება 9 (ცხრა) საშტატო ერთეულისგან.

საქართველოს კანონის „თავდაცვის კოდექსის“ თანახმად, 2024 წლის 01 იანვრიდან განახორციელებს თავდაცვის სამინისტროს სისტემაში მოქმედი საჯარო სამართლის იურიდიული პირი - სამხედრო გაწვევისა და რეკრუტირების ეროვნული სააგენტო. იმის გათვალისწინებით, რომ 2024 წლის 01 იანვრიდან მუნიციპალიტეტი აღარ არის უფლებამოსილი განახორციელოს მოქალაქეთა სამხედრო აღრიცხვა, წვევამდელთა ეროვნული სამხედრო სამსახურისა და სარეზერვო სამხედრო სამსახურის ორგანიზება, თელავის მუნიციპალიტეტის მერიის პირველადი სტრუქტურული ერთეული - სამხედრო აღრიცხვისა და გაწვევის სამსახური, რომელიც შექმნილია სწორედ აღნიშნული დელეგირებული უფლებამოსილების განსახორციელებლად, კარგავს ფუნქციურ დანიშნულებას და ექვემდებარება გაუქმებას, რაც გამოიწვევს თელავის მუნიციპალიტეტის მერიის საშტატო ნუსხით განსაზღვრული საშტატო რიცხოვნობის ოდენობის შემცირებას 9 (ცხრა) საშტატო ერთეულით.

ნორმატიულ აქტში ცვლილებები აგრეთვე ხორციელდება თანამდებობრივი სარგოების ზრდის მიმართულებით, რაც განპირობებულია შემდეგი გარემოებით: „საქართველოს 2024 წლის სახელმწიფო ბიუჯეტის შესახებ“ საქართველოს კანონის 24-ე მუხლის მე-2 პუნქტის თანახმად, „საჯარო დაწესებულებაში შრომის ანაზღაურების შესახებ“ საქართველოს კანონის შესაბამისად დასაქმებულთა საბაზო თანამდებობრივი სარგო 2023 წელთან შედარებით გაიზარდა და 1210 ლარის ნაცვლად განისაზღვრა 1330 ლარის ოდენობით.

ზემოაღნიშნული ცვლილებების განსახორციელებლად საჭირო ფულადი სახსრები თელავის მუნიციპალიტეტის 2024 წლის ბიუჯეტის პროექტით გათვალისწინებულია და სრულად არის შესაბამისობაში „საქართველოს 2024 წლის სახელმწიფო ბიუჯეტის შესახებ“ საქართველოს კანონით განსაზღვრულ საბაზო თანამდებობრივ სარგოებთან.

კომისიის წევრების უმრავლესობამ მხარი დაუჭირა წარმოდგენილ ცვლილებას. კენჭისყრაში მონაწილეობა არ მიიღო იმედა კველიშვილმა.

გადაწყვეტეს: ცვლილების პროექტი წარედგინოს საკრებულოს ბიუროს, საკრებულოს მორიგი სხდომის დღის წესრიგში შეტანის მიზნით.

მოისმინეს 3 თელავის მუნიციპალიტეტის საკრებულოს 2023 წლის 25 იანვრის N04 დადგენილებაში „თელავის მუნიციპალიტეტის საკრებულოს თანამდებობის პირთა თანამდებობრივი სარგოების და აპარატის პროფესიულ საჯარო მოხელეთა საშტატო ნუსხისა და თანამდებობრივი სარგოების დამტკიცების შესახებ“ ცვლილების შეტანის თაობაზე

აზრი გამოთქვეს: ზ. ლილუაშვილმა ისაუბრა წარმოდგენილ პროექტთან დაკავშირებით. მან აღნიშნა, რომ “ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, შეტანილ იქნეს ცვლილება თელავის მუნიციპალიტეტის საკრებულოს 2023 წლის 25 იანვრის N04 დადგენილებაში „თელავის მუნიციპალიტეტის საკრებულოს თანამდებობის პირთა თანამდებობრივი სარგოების და აპარატის პროფესიულ საჯარო მოხელეთა საშტატო ნუსხისა და თანამდებობრივი სარგოების დამტკიცების შესახებ“. პროექტის მიზანია თელავის მუნიციპალიტეტის საკრებულოში პროფესიონალი და კომპეტენტური კადრების შენარჩუნება და მოტივაციის ამაღლება იმისათვის, რათა დაკისრებული ფუნქცია/მოვალეობების შესრულების ხარისხი იყოს მაქსიმალურად მაღალი.

კომისიის წევრების უმრავლესობამ მხარი დაუჭირა წარმოდგენილ ცვლილებას. კენჭისყრაში მონაწილეობა არ მიიღო იმედა კველიშვილმა.

გადაწყვეტეს: ცვლილების პროექტი წარედგინოს საკრებულოს ბიუროს, საკრებულოს მორიგი სხდომის დღის წესრიგში შეტანის მიზნით.

მოისმინეს 4. თელავის მუნიციპალიტეტის საკრებულოს 2022 წლის 18 იანვრის N02 დადგენილებაში „თელავის მუნიციპალიტეტის საკრებულოს წევრების (გარდა თანამდებობის პირებისა) უფლებამოსილების განხორციელებასთან დაკავშირებული ხარჯების ანაზღაურების წესის დამტკიცების შესახებ“ ცვლილების შეტანის თაობაზე.

აზრი გამოთქვეს: ზ. ლილუაშვილმა ისაუბრა წარმოდგენილ პროექტთან დაკავშირებით. მან აღნიშნა, რომ “ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, შეტანილ იქნეს ცვლილება თელავის მუნიციპალიტეტის საკრებულოს 2022 წლის N02 დადგენილებაში „თელავის მუნიციპალიტეტის საკრებულოს წევრების (გარდა თანამდებობის პირებისა) უფლებამოსილების განხორციელებასთან დაკავშირებული ხარჯების ანაზღაურების წესის დამტკიცების შესახებ“

დადგენილებით დამტკიცებულის წესის მე-2 მუხლის პირველი პუნქტი ჩამოყალიბდეს შემდეგნაირად: „საკრებულოს წევრის უფლებამოსილების განხორციელებისას გაწეული ხარჯის ყოველთვიურად ასანაზღაურებელი თანხის ზედა ზღვარი განისაზღვროს 770 (შვიდას სამოცდაათი) ლარის ოდენობით“.

კომისიის წევრების უმრავლესობამ მხარი დაუჭირა წარმოდგენილ ცვლილებას.
კენჭისყრაში მონაწილეობა არ მიიღო იმედა კველიშვილმა.
გადაწყვეტეს: ცვლილების პროექტი წარედგინოს საკრებულოს ბიუროს, საკრებულოს
მორიგი სხდომის დღის წესრიგში შეტანის მიზნით.

კომისიის თავმჯდომარე


ზ. ლილუაშვილი